

hodie certissima vestigia cernere licet. Incœpit hic murus, ut hodie ferunt Scoti, ad Avenum fl. qui Edenbrough Firth subit, & transito Carrone fluviolo ad Dunbritton pertingit. Beda autem, ut modo dictum, incipere dicit in loco Pen-vael, id est, Pictorum lingua, Caput valli, Britannorum Pen-gual, Anglorum Pen-walton, Scotorum Cevall, quæ omnia proculdubio à Latinorum Vallo deducta, locumque illum duorum fere millium spatium abesse ab Abercurnig sive Abercurnig. Desinit autem vulgi opinione ad Kirk-Patrick natale solum S. Patricii Hibernicorum Apostoli, juxta Cluidam, secundum Bedam ad Alclud, secundum Ninium ad civitatem Pen-Alcloyt, quæ eadem videantur. Vocatur autem

Ninium.

Abercorn.
Grahams
dyke.

murus iste vulgo Grahams dyke, vel à Grahams Scoto bellicoso, cujus virtus in eo perrumpendo in primis emiauit, vel à Grampio monte ad cujus radices visitur. Qui Rotam Temporum scripsit, murum de Abercorneth appellat, id est, Ostii Corneth flu. ubi Bedæ seculo monasterium celebre in regione, ut ille prodidit, Anglorum, sed in vicinia freti quod Anglorum terras Pictorumque tunc determinavit. Proxime hunc Murum cespitium sive Vallum qua Carron fluvius Sterlingensem hunc agrum secat, ad lavam duo tumuli

Duni Pa-
cis.

aggesti cernuntur, quos Duni pacis, & ad duo fere millia passuum inferius antiqua est substructio rotunda xxiv cubitos alta, xxi lata, in summo aperta, sine calce ex asperis saxis ita conformata, superiori lapidis parte in inferiorem inserta, ut totum opus in arcum surgens mutuo complexu se sustineat; hanc alii Dei TERMINI templum, alii Arthurs-Oven, qui quicquid magnificum ad Arthurum referunt, alii Iulius hoff vocant, & à Iulio Casare constructam opinantur; ego autem à Iulio Agricola potius opinarer, qui hanc partem præmunivit: nisi Ninius jam docuisset à Carausio in Arcum triumphalem erectam fuisse. Ille enim (scribit Ninius) ad ripam Caruni domum rotundam politis lapidibus fornicem triumphalem in victoria memoriam erigens construxit, murumque reedificavit, & septem Castellis munivit. Medio spatio inter Dunos Pacis & hanc substructionem, ad dextram Carronis ripam, antiquæ urbeculæ confusa et jamnum cernitur facies, ubi olim navium fuisset stationem vulgus credit, qui Camelot vocant. celebri in Arthuri fabella nomine, & Camalodunum fuisse à Tacito memoratum, frustra contendunt. Ex Caronis fluminis subterlabentis nomine CORIA DAMNIORVM, cujus meminit Ptolemæus, potius videatur. Nunc habet quod de hoc Romani imperii limite ad Carronem cecinit optimus ille Poëta G. Buchananus:

Coria Dam-
norum.

Roma securigeris prætendit mœnia Scotis,
Hic spe progressus posita, Caronis ad undam
Terminus Ausonii signat divortia regni.

Callendar
Barones
Leving-
ston.
ADDIT.

In hoc agro Sterlingensi ad orientalem partem cernitur Castrum Callendar Baronum de Levingston. [Iacobus de Levingston Comes de Callendar minor natu, emit à majori natu fra-

tre Comite de Linlithquo Baroniam de Callendar, qui à Rege Carolo in Comitatum erectus est: hic diu in Belgica sub Ordinibus Fœderatis meruit & arma gessit, milite gregario per omnia officia ad Tribunatum pervenit, & tandem ante annos aliquot in patriam concessit, ibique nunc Locum tenens exercitus Scotici sub Lestæo.]

Familia Baronum Fleming prope habitat ad ^{Fleming.} Cumbernald, quod acceptum ferunt Regi Roberto Brus, ob operam fortiter & fideliter in

patria tuenda præstitam, unde etiam honorem hæreditarium Camerarii Scotiæ sunt consequuti. Nuperrime etiam Regis Iacobi Sexti gratia Comitum titulum in hanc familiam intulit, cum I. Baronem Fleming Wigtoniæ Comitum creaverit. In vicinia est Elphinston quæ suos etiam habet Barones [quorum primus fuit Alexander Elphinstonus, cui propterea quod Barlæam, Regiæ Margaritæ Henr. VII filiae ancillam, in matrimonium duxerit, cum Baronis titulo Rex Iacobus IV Baroniam de Kildrimie in feudum concessit] eò dignitatis à Rege Iacobo Quarto evectos, & qua Fortha meandris suis tortuosus volvitur, & pontis patiens Sterlinium, vulgo Strivelin, & Sterlin Borrough adidet, ubi in supercilio rupis præcipitis arx regia eminet firmissima, quam Rex Iacobus Sextus novis ædificiis exornavit, cuique diu præfuerunt ut Castellani Domini de Ereskin, quibus Principum Scotiæ dum minori sunt ætate, cura & custodia subinde fuit demandata. De Sterlino autem quæ cecinit I. Ionstons cætera supplebunt:

Comes Wig-
toniæ.

ADDIT.

Regia sublimis celsa despectat ab arce
Pendula, sub biferis mœnia structa jugis.
Regum augusta parens, Regum nutricula natis,
Hinc sibi Regifico nomine tota placet.
Hospita sed cuivis quovis sub nomine, amicus
Sive es, seu non es, hospes an hostis item.
Pro lucro cedit damnum. Discordia tristis
Heu quoties procerum sanguine tinxit humum?
Hoc uno infelix, at felix cætera: nusquam
Letior aut celi frons, geniuse soli.

[Et Arturus Ionstons in hunc modum de agro Sterlinensi:

Sterlino quis digna canat? Cumabula Reges
Hic sua securis imposuere jugis.
Aura salutifera est, facit hoc vicinia cœli,
Nec datur à sævo tutior hoste locus.
Adspicis hic geminis structas in rupibus arces,
Teclaque Tarpeji turribus aqua Iovis.
Fortba triumphales hic, dum fugit, excipit arcus,
Cogitur & curvo subdere colla iugo.
Haud aliter Phrygiis ludit Meander in oris,
Sæpe fluit, trepidans sæpe recurvat aqua.
Orbe pererrato levis huc vestigia flectens
Advena miratur ruris & urbis opes.
Admiranda quidem sunt hæc, & carmine digna;
Plus tamen hic virtus Martia laudis habet.
Non semel Ausonios Sterlinum reppulit enses,
Limes & Imperii, quem bibit, amnis erat?]

Circi-